



COVID-19: ENN LESON POU LAVI!

By Mr. Ramessur Vishnudev



National Identity Card No: R081190130309F

Residential Address: Vrindavan Road, Bon Accueil

Mobile: 59474239

E-mail: aks.1008@live.com

COVID-19: Enn leson pou lavi!

Premie zour konfinnman kan mo finn leve, mo finn bien kontan akoz pa ti bizin al lekòl. Selman mo finn osi senti moi trist akoz mo pa pou gagn zwen mo bann kamarad ek pli importan mo pa pou resi pran mo kargo ladrog. Enn trasman mo ti pe fer ek bann kamarad dan lekòl. Mo ti pe al lekòl plis akoz pou gagn mo ladrog mem.

“Vinn manze mo garson,” mo papa inn dir mwa. Mwa ek mo papa nou finn asize a tab nou finn pran nou ti dezene. Apre nou ti dezene, mo papa finn koumans explik moi ki COVID-19 komie danzere li ete et komie dimounn a traver entie lemond inn desede. Mo ti senti vreman bien emotione apre ki mo finn aprann sa laktialite la. Mo papa dir mwa ki Premie Minist inn anons bokou kitsoz parmi ladan finn dir mwa ki personn pa gagn droit sorti deor zot lamezon, al promne deor lor sime, pa gagn droit al laplaz ni sinema. Mo ti vreman bien dan sok akoz zame dan listoir limanite mo ti deza tend enn zafer koumsa ni mo ti imazine enn zour ti kapav arriv koumsa.



O debi konfinnman, bann “online classes” pa ti enkor bien koumanse, alor mo ti literalman bien lib. Mo ti p zwe game ek chat lor facebook. Ariv ver 11am mo koumans senti moi pa tro korek. Mo ti pe koumans mank mo substans ladrog. Mo finn telefonn mo kamarad ki ti pe abitie livre mwa mo kargo ladrog dan lekòl. Mo finn dire li ki mo pena oken kargo ladrog avek mwa lamezon ek mo pa pe senti moi bien, mo bizin mo ladrog. Mone dir li gete ki li kapav fer pou moi. Li dir moi enan konfinnman la alor li bien riskan pou sorti deor et sirtou la polis partou lor sime. Bann seki pa pe respekte la loi konfinnman pe pey lamann. Mo finn dir li pa gagn traka mo mem mo pou trase mo pou vinn kot li. Kouma li finn tend mwa dir sa, li koup mo telefonn.

Mo ti koumans senti mwa bien frustré. Mo ti osi al dan saldebin, ouver robine ek mo ti met mo latet enba sa delo fre la. Mo ti panse sa pou kapav kalme moi me malerezman mo ti senti mo lekor pe koumans tremble ek mo finn tomber dan saldebin. Mo ti kriye bien for kan mo ti tombe. Mo papa ti tend moi kriye et kan li finn rod mwa, li ti trouv moi dan saldebin enba. Mo papa inn amen mwa dan mo lasam. Li finn demand mwa ki finn arive, mo ti dir mo finn senti mwa feb. Mo papa inn donn mwa delo disik pou boir et li finn dir moi repoze. Isi, mwa mo pa pe kapav dir li ki problem exakteman mo pe pase.



Kan arriv ler pou pran dezene, mo pa ti pe kapav manze ni boir kitsoz. Mo ti vomi sa tigit ki ti kapav manze la. Mo ti pe koumans nerve. Mo papa ti pe trap mwa et ti pe demand mwa ki pe ariv moi. Mo ti pous li ek mo ti renferm moi dan mo lasam.



Apré trant minit mo finn al dan stor kot mwa. Ti ena tinner kot mwa dan stor. Mo ti pran enn latoil ek mo finn met tinner ladan. Mo ti sey snifle tinner, mo ti panse sa pou kapav kalme mwa aköz mo ti pe mank mo ladrog, me domaz. Mo latet ti koumans fermal boukou. Monn retourn dan mo lasam ek mo finn ferm la port a kle. Mo ti re telefonn mo kamarad, mo finn explik li ki situation mo pe passe. Li pa ti pe dakor mem. Li ti pe ress dir mwa non enan konfinnman la pa kapav sorti sinon pou enan problem. Me kan mo finn dir li mo pu pey li pli boukou larzan lerla li finn dakor.

Mo ti p vey enn bon lokazion pou mo kapav sorti. Mo ti trouv mo papa finn al fer enn ti travay par deryer dan lakour, mo ti rod sezi lokazion ek sorti depi lamezon pou al kot mo kamarad. Me kouma mo finn ouver laport, mo trouv bann lapolis pe fer patrol lor sime ek situation ti bien kritik. Mo trouv dan van lapolis la ti ena bann sivilien ki ti kas la loi konfinnman ek zot ti pe promne an deor lamezon. Alor, mo ti fini per pou sorti deor lamezon.





Asoir, mo pa ti pe kapav ditou. Mo ti koumans alisine. Mo ti pe trouv tou kalite figir partou. Mo senti mo lekor bien so. Mo ti pe tap mo latet avek miray. Mo papa inn tend sa tapaz la. Li koumans kriye mwa. Mo finn bizin ouver laport. Li finn may mowa ek lin senti mo lekor bien so. “Ton gagn corona kisa??,” quand mo papa in dir moi sa, mo ti pe envi dir li laverite. Me mo pa finn gagn kouraz dir li kitsoz. Li dir mwa li pe all telefonn dokter.

Kan dokter inn vini, li finn fer enn test avek moi lerla li finn konstate ki non mo pena sintom corona virus me plito sintom ladrog sa. “Mo ena enn bon nouvel ek enn move nouvel pou donn ou,” dokter la dir mo papa. Mo papa so expresion ti bien stresan. Dokter la inn dir mo papa ki mo pena covid-19 me selman mo pe konsom ladrog, akoz samem mo p soufer koumsa, akoz mo pe mank mo ban doz ladrog. Mo papa get mwa avek enn regar bien desevan. Mo pa ti enan figir pou montre li. Dokter la ti fer pikir avek mwa et li finn dir mwa mo la sans ki mo pa ti pe pren ladrog pandan plis ki enn ans . Alor, mo kapav aret pran sa apartir zordi mem li pou pli bon pou moi. Mo papa ti all kit li ziska so loto.



Kan mo papa inn retourn lamezon, li finn asize avek mwa ek li dir mwa “Ki to manke mo garson? Tou seki to bizin mo donn twa, lor la si mo gagn enn tel kalite rekompans de to par?” So lizie ti rempli ek larm. Mo papa dir mwa sa la rout mo finn pran la, pena oken lavenir ladan. Mo pu trouv mwa zis ver lobskiriter. Li finn osi dir mwa, si demin ariv enn situation parey mo pa resi gagn mo ladrog, alor mo bizin perdi mo lavi? Tou so ban mot in bien tous mwa.

Grace a COVID-19, mo finn realiz enn zafer bien importan dan mo lavi. Akoz mo bann move frekantation dan kolez, mo ti koumans pran ladrog. Me gras a konfinnman de COVID-19, mo finn resi realize ki enn zour mo kapav perdi mo lavi si mo kontinie dan sa sime la.

COVID-19 li pa zis enn lennmi e li osi enn lesan pou lavi.



“To lavenir li dan to lamain Jevin.” Sa fraz seki mo papa finn dir mwa, zame mo pou kapav blie.